


# Luvhando Vhimbi ndi mulamukisi




Kalekale muṭa wa Khovhemakolo,  
wa khotsi na mme na vhana  
vhaṭuku vhararu, wo vha u tshi  
dzula fhasifhasi madungunudzini a  
lwanzheni.



Nga masiari, musi tshikolo tsho  
no bva, avha vhana vhararu vho  
vha tshi thusa vhabebi vhavho  
u kunakisa mudi wavho henefho  
dungunudzini.

Musi vho no fhedza u kunakisa  
mudi, avha vhana vho vha vha tshi  
ita tshuñwahaya yavho.



Muñani wa Khovhemakolo ho  
vha hu tshi dzula hu na mapwali  
na mapwapwalala, li la maladze  
afha Iwanzheni. Zwiliwa zwo vha  
zwo dala nahone vha tshi pfa vho  
tsireledzea vhukuma.

U swikela muñwe musi ...



... we vha afha mučani wa  
Khovhemakolo vha pfa lutzhemo  
lu no fhandula luvalo.

“Nthuseni! Nthuseni! Nthuseni!”

“Ndi nnyi a no khou tzhema nga u  
tou ralo?”

Hu vhudzisa Vho Khovhemakolo  
vha mufumakadzi.

“Hu nga vha hu tshi khou  
bvelela mini?” Hu vhudzisa Vho  
Khovhemakolo vha munna.


“Ro tshuwa!” Ndi zwikozhana  
zwiraru zwi tshi lila.

Nthuseni!




Khombo ya mbo vha yo swika. Vha  
mbo vhona Shenga Shaka li tshi  
khou pandamedza Nyaphophi  
Nyaphapha a so ngo hanganea  
zwone.

Nyaphophi Nyaphapha wa vhatu  
o vha o tshuwa lu sa vhudziswi lwe  
a tala a tshi nupela fhasifhasi  
Iwanzheni kulekule na Shenga  
Shaka.




Vha mudini wa Khovhemakolo vha  
thusana u lingedza u elekanya.  
Vha nga thusa hani Nyaphophi  
Nyaphapha?

Vha delwa nga muhumbulo wa uri  
hu na khovhe nthihi fhedzi ine i si  
ofhe Shenga Shaka.





Vho Khovhemakolo vha munna vha  
mbo founela Luvhando Vhimbi.

"Ri thusei Luvhando! Tavhanyai u  
thuse! Shenga Shaka li khou todou  
zhota Nyaphophi Nyaphapha.  
Nwana wa vhathe u khomboni."



Vho Luvhando Vhimbi vha  
mbo tala vha swika mudini wa  
Khovhemakolo.



"Litshani ndi thuse Nyaphophi  
Nyaphapha," Hu amba Vho  
Luvhando Vhimbi. "Hafhu nñe  
ndi muhuluhulu na nungo dzi hone  
nahone Shenga Shaka a thi mu  
ofhi."



Nga luvhando luthihi fhedzi lwa  
mutshila wavho, Luvhando a vhanda  
Shenga Shaka a shanavhida zwi  
tshi vhavha. Ha mbo vha u phuluswa  
ha Nyaphophi Nyaphapha.

“Vho Luvhando Vhimbi ndi muhali!”  
Hu vhidzelela vha mutani wa  
Khovhemakolo.

Vhukonani ndi u fulufhedzana  
na u thusana.



bl




shaka



dolofini




tshibodelwanzhe



mutshotshonono  
wa khovhe



berelwanzhe



khovhephapha

# khovhevhimbi

Khovhevhimbilutombo ndi yone phukha  
khulwanesa lif hasini




Khovhevhimbi ndi zwimamisi nahone dzi fema  
muya u fana na rine vhathe.




## khovhepfuli



## khovhedzheli



## khovhemakolo



## khovhenaledzi

# Nyito dza u vhala nga zwigwada





1

- Vhudzani khonani yanu uri ni a takalela tshitɔri itshi naa. Tikedzani phindulo yanu.
- Ni vhona u nga ho vha hu tshi nga vha ho bvelela mini arali Luvhando Vhimbi a si fhindule founu?
- Sikani kufhelele kuswa kwa tshitɔri.



2

Lavhelesani zwifanyiso izwi zwivhili. Humbulani nga mbudziso dzi tevhelaho ni ambe ngadzo ni na khonani yanu.



- Ndi zwifhio zwi no fana zwifanyisoni izwi?
- Ndi zwifhio zwi sa fani zwifanyisoni izwi?
- Lavhelesani tshifanyiso tsha u thoma. Ni vhona u nga muča wa Khovhemakolo u dipfa nga ndilade? No no vhuya na dipfa ngaurali?
- Lavhelesani tshifanyiso tsha vhuvhili. Ni vhona u nga vha khou dipfa nga ndilade? Ni vhona u nga ndi nga mini vha tshi khou dipfa ngaurali? No no vhuya na dipfa ngaurali?
- Arali no vha ni khovhe, no vha ni tshi nga dipfa hani musi muča wa hanu wo dzhenelwa nga shaka?



### 3) Fhedzisani nyito i tevhelaho buguni yanu ya ndowedzo.

- a. Tshitɔrini itshi wanani maipfi a no thoma nga mibvumo i tevhelaho ni a nwale:

vh -      sh -      tsh -

- b. Wanani maipfi a re na mibvumo i tevhelaho ni a nwale:

ou      aa      nn      mm      ei      ea

- c. Tshitɔrini itshi wanani maipfi a re na 'tz' ni a nwale.

- d. Nwalani maipfi aya kha dikishinarimuñe yanu.

khonani      khovhe      khovhevhimbi      shaka

- e. Fhedzisani mafhungo aya ni tshi shumisa thangelavhuimo.

Vho bambela \_\_\_\_\_ ngomu Iwanzheni.


Khovhe dzo shushedzwa \_\_\_\_\_ shaka.

- f. Nwalululani mafhungo a tevhelaho e kha tshifhinga tsha zwino.

Luvhando o tala a tshi tsa u swika dungunudzini ja Iwanzhe.

Vho pfa muthu a tshi khou tzhemba.

g. Nwalululani mafhungo aya ni  
dzenise zwiga zwa u vhala  
he zwa tea.



luvhando u tala a ya mudini wa Khovhemakolo

thusani luvhando thusani wee

ndi nga mini Nyaphophi Nyaphapha o vha o tshuwa



4

Vhalani mbudziso dzi tevhelaho ni vhudze khonani yanu phindulo dzadzo.

- Thoho ya tshitɔri ndi ifhio?
- Vhaanewa vhahulwane tshitɔrini itshi ndi vhonnyi?
- Tshitɔri itshi tshi khou bvelela ngafhi?
- Vha mudini wa Khovhemakolo vho vha vho livhana na khombode?
- Anetshelani tshitɔri itshi nga maipfi anu. Nwalani mafhungo mana kana matanu.
- Olanı tshifanyiso tsha fhungo linwe na linwe ni tshi t̄ana iyo phara ye na nwala.



5

Nwalelani Luvhando Vhimbi  
SMS ni tshi mu livhuha uri o ni  
lamukisa.

